

邦字手抄

全氏痘疹藥性二卷

卷二

邦字
自抄

全氏家藏痘疹秘錄藥性

全氏家藏痘疹祕錄 藥性卷二

本部 共二十五味

肉桂 辛甘大熱 氣厚純陽 入肝腎血分 平補肝腎 補命門相火不足 兩腎

中間先天祖氣乃真火也人非此火不能生活無此真陽何能蒸糟粕而化精微必至脾胃衰敗氣盡而亡矣肉桂為補命門真陽之神品醫者不可不知也

益陽消陰 治痼冷積寒 且能發汗 疎通血脈 宣導百藥 辛則善散熱則通行

去榮衛風寒 固表虛自汗 陽虛 腹內冷痛 欬逆結氣 欬逆亦由氣不歸元 肉桂

引火歸宿 井田治痘賴其鼓舞 上行以開榮衛 又引黃芪以達

肌表 虛痘症中方可用之 若熱症或痘後作痒者忌之 劑桂釘木根其本即

死同丁香治 先曾祖賓王翁曰 痘至七八日白痢 補藥中加肉桂

立止 虛寒多用 若虛不寒 只用三五厘足矣

桂枝足太陽勝腕葉也橫行手背若手足瘡發不透者用之引經

乘六曰桂枝散風寒活血脈舒筋絡達手足瘡中手足厥冷者加入即溫煖矣色

紫肉厚味辛甘者為肉桂入肝腎命門去粗皮用其毒在皮去裏外皮留當中

心者為桂心入樹上嫩枝為桂枝入勝腕得人參甘草冬良忌生

葱赤石脂若瘡多嗽咳咽疼音啞血燥血熱血崩孕婦並皆忌之

茯苓甘淡而溫有赤白兩種白者入手太陰肺足太陽勝少陽胆

赤者入手太陰脾手少陽三少陰心扶脾助陽除濕利竅寧心

益氣調榮理衛白能化瘰涎赤能利水道其性浚滲瘰至灌膿

行漿時忌之 乘六曰瘰至六七日忌用者恐滲漿也若泄瀉

不止者宜用寧訶子肉菓勿用白朮茯苓白者勝氣能利濕熱赤

者勝血能行水邪治痘後水腫腰脹茯苓與茯神同功茯苓入

脾腎之功多茯神入心肝之用多茯神心木名黃松節療諸筋

挛縮偏風喎斜心掣健忘

心木二兩乳香一兩石脂炒用所名松節散每服二小木瓜湯下治一切筋骨疼痛乳香能伸筋木

瓜能舒筋也

惡白欬畏地榆秦艽蠶甲雄黃忌醋

琥珀甘平松脂入土而成實故能通塞以寧心定魂安魄鎮驚消

痞色赤入手少陰心足厥陰肝

故能破癥瘕生肌肉療金瘡

從辛

溫葉則破血生肌

又能利水通淋其味甘淡上行能使肺氣下降而通膀胱

眊痘症驚風及小便不利痘熱壅盛者用之最宜用手摩熱拾

芥者真

乘六日琥珀利水痘至行漿時忌用若三四日前有

驚悸及痠感小便不利並痘後目生翳膜者皆可用也以柏子

仁末入瓦鍋內同煮半日搗末用之

枳壳

苦酸微寒皆能破氣主治客同但枳實利胸膈只壳寬大腸

枳實力猛枳壳力緩功少異耳瘕中胸膈痞悶者用只實大便秘結者用枳壳

通

大腸必佐大黃方能瀉下燥屎耳虛者忌用

乘六曰枳實瀉瘕有衝墻倒壁之功佐參朮則能益氣佐硝黃

牽牛則能破氣也枳壳去脹消痞化瘕止嘔瀉肺氣走大腸利

氣之妙品也二藥通用能損真氣瘕屬實熱而大便秘者同大

黃用即利小者為枳實力猛大者為枳壳力緩陳久者良楚妙用

厚朴苦降能瀉實滿辛溫能散濕滿汪好古曰別錄言厚朴溫

中益氣果泄氣乎消瘕下氣是也與橘皮蒼朮同用則除濕滿

所謂溫中益氣者是也。此解利藥同用則治傷寒頭痛與瀉痢

藥同用則厚腸胃。大抵味苦性溫同苦則瀉同溫則補也。入太

陰陽明胃脾平胃調中

佐蒼朮為平胃散平胃土脾土之太過以致在中和

消痰化食厚腸胃

行結水破宿血殺臟虫去腹脹止嘔逆却瀉痢定霍亂誤服脫

人元氣孕婦忌之去粗皮姜汁炙用

乾姜為使惡澤瀉硝石忌豆犯之動氣

地骨皮甘淡而寒降肝中伏火能去肌熱解五內邪熱涼血止渴

利大小腸療在表無定風邪專止有汗之骨蒸

甘草水浸一宿用

乘六日地骨皮甘寒專退熱於肌表痘後發熱宜用之血虛加

以血藥氣虛加以氣藥俱可用之東垣曰地為陰骨為裏皮

為表地骨皮瀉腎火牡丹皮瀉色絡火總治熱在外無汗而骨

蒸知母瀉腎火治熱在內有汗而骨蒸

四物湯加二皮 治婦人骨蒸

李時珍曰枸

杞地骨皮甘寒平補使精氣充足而邪火自退世人用苦寒以

苓連降上焦知柏降下焦致傷元氣惜哉 朱允曰地骨皮能

退內潮人所共知能退外潮知之者少如病風寒散而未盡往

來潮熱非柴葛所能治用地骨皮走表入裏之藥消其浮游之

火邪服之未有不愈者特表明之

邦學常以青蒿伍地骨皮退熱

案有奇效因為皮能達表肌表之熱非此莫除也

時臣謂其太寒而不屑用參連以止熱不知甘寒之品烏能比苦寒之更寒乎

桑白皮甘辛而寒瀉肺火利二便散瘀血下氣行水止嗽消痰

治肺熱喘滿唾血熱渴水腫腹脹肺氣虛弱及風寒作嗽者忌

之為線可縫金瘡剥去皮取白者用

如惡其瀉氣以蜜炙之續斷桂心為使忌鉄器

桑葉甘寒手足陽明胃^{大腸}之葉涼血^{刀斧傷者為末乾貼神效}

燥濕去風明目採經

霜者煎湯洗眼治迎風流淚洗手足治風痺與黑芝麻等分為

末蜜丸名扶桑丸除濕去風烏鬚明目以五月五日五冬日採

者佳一老人年八十四歲夜能細畫詢之曰得一奇方每年九

月二十三日桑葉洗目一次永絕昏花服止盜汗嚴州有僧每

就枕汗出遍身衣被皆透二十年不能療

^{寺主曰採經霜桑葉焙乾為末每日空心米湯送下二十數}

^{日而}愈代茶飲止消渴

枝子苦寒輕飄象肺色赤入心瀉心肺之邪火使之曲下行從小

便出而三焦之火邪用之而解

^{厥陰有寒此二症}

心痛自平矣

丹溪曰治心痛當分新舊初起因寒因食宜溫散久則鬱而成

熱若用溫劑豈不助痛添病乎。古方多用枝子為君。熱藥為之

嚮導者。則邪易伏。病雖日久。不食不死。若病將^止忘食。病必再復。

作也。吐血。衄血。血淋。血痢之病。宜炒用。最清胃。脫之熱。炒黑為末。吹

血。順氣為先。氣行則血自歸。銑治虛火之血。養血為先。氣壯則自能攝血。并溪曰。治血。單行。單止。不可純用寒藥。痘瘡毒。或色赤。用仁以

清之。乘六曰。枝子清熱。仁能走心。全用走肺。生用能治屈曲

之火。炒用能治無根之火。姜炒能治胃熱作嘔。連皮酒炒能去

肌表之熱。痘症中清熱解毒之要藥也。過服傷胃。

蜜蒙花甘而微寒。入肺氣血分。能潤肝燥。治目中赤脈。青盲雲翳。

赤腫眵淚。眵音鴟。眼睛也。並治小兒疳疾。攻眼。故為痘後目疾必用之。

冰片辛溫香竇。善走能散。先入肺傳於心脾。能透骨通諸竅。散鬱

火故用猪尾膏以冰片佐之取其開竅而亟發散也。出南番云是老杉脂色白如冰作梅花片者良。

以杉木炭養之則不耗今人多用樟腦打亂之氣

先曾祖賓王翁曰冰片大辛而熱故入唇自覺涼風滿口蓋熱氣既去涼風自至也。藥體熱而用涼者即此之謂歟。

丁香辛溫純陽瀉肺溫胃治胃疼壅脹嘔噦呃逆忒浮腫厥冷痘瘡胃虛灰白不發者宜用。熱症忌之。

乘六曰丁香溫胃痘瘡灰白四肢逆冷身涼體靜全無熱像者宜用。稍有熱像不敢輕投。丁香性溫能救裏寒。肉桂性溫能發表寒。故並用以治表裏沉寒之症。有大忌服畏鬱金。

黃柏苦寒性陰下降足太陽引經藥也。

勝

治五臟腸胃中結熱瀉

勝脫邪熱清小便降相火痘症解毒之藥也大苦傷胃非熱甚

勿用況兒童無相火可清乎寒者治口瘡又治失血以其能滋陰也

乘六日黃柏大苦大寒痘瘡解毒之藥也痘色紅紫煩燥不安

凡有一切火症者可以加入若稍有虛弱形狀者禁用生用降

實火審矣則不傷胃炒黑止血酒炒治上寒矣治中鹽炒治下

竹葉辛淡甘寒涼心緩脾消痰止渴除上焦風熱火邪葉生叶上故治上焦仲景治傷寒

發惡有竹葉在是湯乃假其辛寒以散陽明之邪熱也欬逆喘促嘔噦吐血中風失音小兒驚癇

並治痘症心經火盛之候竹生一年以上者嫩而有力

乘六日竹葉清心使熱從小便而出痘中驚搐不語胸膈疫熱

發渴譫妄欬逆上氣者並皆用之

竹茹甘而微寒開脾土之鬱清肺金之燥涼能除熱治痘疹上焦

煩燥熱

皮毛屬肺
位主上焦

氣逆嘔吐胃熱吐血衄血清肺涼胃齒血不止醋

浸主驚悸搐搦

散肝

乘六曰竹茹甘寒止熱嘔之聖藥也清火

安胃除熱定煩故痘重嘔吐用之即竹青皮刮取者

竹瀝味甘大寒潤燥行痰消風降火養血益陰

竹之有力瀝犹人之有血也
故能滋陰清火

痘中痰迷口噤煩悶大熱消渴自汗者宜用然能寒胃滑腸有

寒濕者忌之截取尺餘劈兩半置罇土中間火炙兩頭汗者而

用之并溪曰痰在經路四肢皮裏膜外非此不能達到又曰

味甘性緩能除陰虛之有熱者寒而能補胎前不損子胎後不

損氣世人因本草有大寒二字棄而不用然入食筭至老亦有

因寒而病者瀝即笋之液也又加火而成何寒如此之甚耶

乘六曰竹瀝大寒不可輕用痘症疫熱壅結者又非此不除用

時步加姜汁姜能開痰且能理寒姜汁為使笋尖能瘰癧瘰癧瘡又云笋能損

氣古人以笋刮腸篋宜暫不耳久汪詡菴曰笋蕨多食皆能

燂血故笋有刮腸篋之名惟同肉煮食則無害也桃竹笋苦有小毒瘡中生蛆搗碎納

之而蛆盡出乘六曰竹笋甘寒無毒作菜食之人所常用不得以古人

謂之刮腸篋棄而不用余家養竹數畝以笋作菜常食無恙

天竹黃甘而微寒涼心臓去風熱利竅豁痰鎮肝明目功同竹瀝

而性和緩且無寒滑之患治小兒客忤驚癇一云天竹黃清熱養心化痰定驚

乘六曰竹黃即竹肉所生如黃土片片似竹節者真出南海大

竹之津液結成也最宜於小兒驚搐痲澀盛之症痘症夾驚而痲盛者可以加入

蔓荊子辛苦微寒輕浮升散入足太陽膀胱陽明胃厥陰肝搜風涼血通利九竅治痘瘡頭面腫大並風熱頭痛腦鳴眼淚目睛內痛者宜之

乘六曰蔓荊子散上焦風熱痘後目赤腫痛耳聾耳膿必用之其性大散腫人散大及兒之虛寒者忌用惡石羔烏頭

猪苓苦泄滯淡利竅甘能助陽入膀胱腎經利小便行水氣與茯苓同多服損腎昏目痘至行漿時忌用

乘六曰猪苓甘淡耳走腎氣行漿時當忌功專利水若痘後水

瀉陽陰不分水腫腹脹必用之藥多生楓樹下塊如猪屎故名猪苓。白而實者良。

蘇木甘鹹辛涼入三陰血分行血去瘀而兼發散風邪。瘡瘡色滯不和者用之。乘六曰蘇木肝經血分藥大破血滯與防風同用又能發散表裏之風邪出蘇方國交愛亦有忌鉄器。

乳香香竄入心苦溫補腎辛溫通十二經去風邪伸筋搗托裏護心和氣調血生肌止疼出諸毒如乳頭明透者良性粘難研水飛過用体坐熱水中研之或用灯心同研則易細。

沒藥苦平入十二經散瘀定痛消腫生肌止疼治瘡後餘毒成癰。

破血理氣主治與乳香相同。

沉香辛苦性溫諸木皆浮而沉香獨沉故能下氣而墜痰能降亦能升氣香入脾故能理諸氣而調中行氣不傷氣溫中不助火痘後嘔吐必用之藥也

先曾祖賓王翁曰沉香止嘔取其沉墜下降之意吐為諸逆上衝故痘後嘔吐不拘虛實寒熱用之無有不當也

赤檉柳

一名西河柳一名垂絲柳一名規骨柳俗呼為記刺

能使疹毒外出為疹科之聖藥也服四錢

治痧疹不出喘嗽悶亂痧糖調服治疹後痢疾

桑六日檉柳性浮而輕肺家藥也莖赤入心血分藥也清心肺邪熱更能活血更能發散表邪而使內無留毒故為疹科聖藥
余家治疹以為上品 又按檉柳體溫用涼